

鄭和家譜考釋

周鍾嶽署



中華民國二十六年三月增訂再版

版權所有

翻印必究

鄭和家譜考釋一冊

每冊定價國幣六角

外埠函購不加郵費

郵票代價十足通用

著作者 李 士 厚


總代售處

雲南正中書局

昆明市西華街

代印者

雲南崇文印書館




鄭和父馬哈只墓誌銘在昆陽縣東門
外袁樹五先生得拓片藏昆華圖書館

昆陽城原爲古之和代村
 明朝末年縣治始移於此
 右圖爲城之東門鄭和父
 馬哈只墓僅去城百數步




馬哈只墓誌銘碑高建初尺
 七尺七寸廣四尺一寸質爲
 沙石下刻一龜地方人士新
 建碑亭庇之左右爲新刻傳記



右爲昆陽縣城上新立
 明三寶太監鄭和故里
 碑碑之前爲作者小影





鄭和王景弘等所立天
妃靈應碑在福建長樂
縣南山長樂地當閩江
口縣之西隅即太平港
鄭和出使屢屢艤舟於
此以待風信開洋因奏
建天妃行宮以爲祈報
之所宣德六年出洋經
此重修殿宇勒石紀之
並歷記各次出使歸還
年月及經過碑高四尺
三寸寬二尺一寸凡一
千一百六十八字今存
長樂縣署中

鄭和家譜考釋叙

喜問字車，攄懷舊念，以古演二十賢課演士。凡彪炳如呂凱李恢石淙南園弗之及；惟孟琬毛孟李猛鄭昭淳鄭和之流，考之詠之，發端若殘石，鑽研若瓊寶。授學生十數輩，數十年，而李生士厚之鄭和家譜考釋，最確而精，蓋所謂溫故而知新者矣。天下有奇理，以無線電達於虛空；有奇事，以空氣包藏於大地；愚於鄭和父碑，發明最早，詳載演繹，東西學者廣播之，與錫蘭蘇閩之石刻，咸供研究。今得見李生作，不脛而走，將有盛於無窮者。雖老矣，蓋猶跂予望之！
民國二十六年春石屏袁嘉穀屏山甫撰。

鄭和家譜考釋

魯甸李士厚

故馬公墓誌銘

公字哈只，姓馬氏，世爲雲南昆陽州人。祖拜顏，妣馬氏，父哈只，母溫氏。公生而魁岸奇偉，風裁凜凜可畏，不肯枉己附人，人有過，輒面斥無隱。性尤好善，遇貧困及鰥寡無依者，恒保護賙給，未嘗有倦容，以故鄉黨靡不稱公爲長者，娶溫氏，有婦德。子男二人，長文銘，次和；女四人。和自幼有材志，事今

天子，賜姓鄭，爲內官監太監。公勤明敏，謙恭謹密，不避勞勩，縉紳咸稱譽焉。嗚呼！觀其子而公之積累于平日，與義方之訓，可見矣。公生於甲申年十二月初九日，卒於洪武壬戌七月初三日，享年三十九歲。長子文銘，奉柩安厝於寶山鄉和代村之原，禮也。銘曰：

身處乎邊陲而服禮義之習，分安乎庶民而存惠澤之施，宜其餘慶深長而有子。

光顯於當時也。

晉

永樂三年端陽日資善大夫禮部尙書兼左春坊大學士李至剛撰。

士厚按原譜有誤字衍文，今依石刻訂正。

士厚按：右和父哈只墓誌銘。

碑今在昆陽縣

公次子和，才負經緯，文通孔孟。特選

皇廷，勤勞□□□□三朝，奉□□捧勅諭於諸番國並海外公幹教化。諸番王等無不祇順王命，共皆仰體皇仁，恪遵勅諭，攄誠來文。乃稱和公之德而揚和公之行，可謂出使四方，不辱君命者矣。

士厚按：右述和之出使。

隨勅奉差諸官員名：欽差正使太監七員。副使監丞十員。少監十員

。內監五十三員。都指揮二員。指揮九十三員。千戶一百另四員。

百戶一百另三員。舍人二名。戶部郎中一員。鴻臚寺序班二員。陰

陽官一員。陰陽生四名。醫官醫士一百八十員。旗校、勇士、力士、軍力、餘丁、民稍、買辦、書手、共二萬六千八百另三名。以上共二萬七千四百一十一員名。

士厚按：右隨使官軍員名。

又撥寶船六十三號。大船長四十四丈，闊一十八丈；中船長三十七丈，闊一十五丈。

士厚按：右下洋船舶。

所至諸國名占城國，暹羅國，舊港國，滿列加國，啞嚕國，蘇門達刺國，那孤兒國，黎伐國，甫字里國，錫蘭山國，小葛蘭國，柯枝國，古里國，忽魯謨思國，潘山國，祖法兒國，阿丹國，榜葛刺國，天方國默底納國。

厚按甫字里潘山黎

伐當作南字里潘山黎代

士厚按：右和所經歷諸國名。

勅書：

大明皇帝勅諭南京守備駙馬都尉宋彪襄城伯李隆：今遣太監鄭和往西域忽魯謨思等國公幹，合用槓擡搬運錢糧官軍，爾等即便照數差撥，勿得稽延。故諭。

勅命之寶

永樂七年三月口日。

皇帝勅諭四方海外諸番王及頭目人等：朕奉天命君主天下。一體上帝之心，施恩布德。凡覆載之內日月所照，霜露所濡之處，其人民老少，皆欲使之遂其生業，不致失所。今遣鄭和齎勅普諭朕意。爾等祇順天道，恪守朕言，循理安分，勿得違越，不可欺寡，不可凌弱，庶幾共享太平之福。若有攄誠來朝，咸錫皆賞。故茲勅諭，悉使聞知！永樂七年三月口日。

士厚按：右成祖兩勅諭。一勅鄭和，一勅海外諸番。

時太祖高皇帝第四子燕王，建文四年起兵，六月即位，國號永樂。後諡

成祖文皇帝。在位廿二年，壽六十五歲。公和始事於永樂二年正月初一，御書鄭字，賜以爲姓，乃名鄭和。選爲內官監太監。於永樂三年正月，公和奉命初使西洋，有瀛涯勝覽一集，以垂後祧。於永樂七年三月，公和奉勅命二使西洋諸國海外，有領兵航海，通西南夷。賚勅封海神宋靈惠夫人爲護國庇民妙靈昭應弘仁普濟天妃，建祠於京師鳳儀門祀之。至永樂長子嗣位，國號洪熙，後諡仁宗昭皇帝；在位一年，壽四十八歲；公和二事。至洪熙一子，洪熙即位，立爲皇太子；後嗣位，國號宣德，諡宣宗章皇帝；在位十年，壽三十八歲；公和三事。於宣德五年七月二十六日，公和奉命，三使西洋，有勅賜南京三山街禮拜寺一所。

士厚孩：右和三使西洋事

勅書：勅太監鄭和：爾以所造龍船，乃差內官高定住進來，果造得平穩輕妙，足見爾忠敬之心，朕甚嘉悅，就賞賜爾物件，付與高定住，將來酬爾

美意。仍於南京天財庫支鈔十萬貫與爾爲下番之費，其西洋諸番國事皆付托於爾。惟爾心腹智識，老成舊人，以副朕委任之重，爾宜慎之！得爾所奏南京城內三山街禮拜寺被焚，爾因乞保下番錢糧人船，欲要重新蓋造，此爾尊敬之心，何可怠哉？爾爲朝廷遠使，既已發心，豈廢爾願，恐爾所用工匠及材料等項不敷，臨期悞爾工程，可於南京內監官或工部支取應用，乃可完備，以候風信開船。故勅。時宣德五年，七月二十六日。

士厚按：右宣宗賜南京禮拜寺勅。

南京進獻香雕緞裏漆觀音聖像三尊，建祠公府傍右山之嶺。

士厚按：右記和使還進獻之物。

公和奉命三使西洋，歷事三主。至宣德六年，欽封公三保太監。公以兄文銘之子立嫡，名暘，皆顯宦焉。

士厚按：右述和受封立嗣。

二世祖

考諱賜字恩來
妣馬氏納氏

生子二

長萬
次廷選

三世祖考

考諱萬選
妣李氏

生子一宗陽

行一，員生。初選楚煥府訓導，
萬歷四十三年，升岳池縣知縣。

四世祖

考諱宗陽字不傳
妣李氏

生子士祿

五世祖

考諱士祿
妣馬氏

生子三

伯仲國元
叔用卿

六世祖

考諱國卿
妣馬氏

生子二

長大
次弘驂

七世祖

考諱大驂
妣馬氏

係廩生

生子四時

發傑英俊

八世祖

考諱時發
妣李氏

生子二

長崇
次毅新

九世祖

考諱毅新
妣馬氏

生子二

長溥
次淵

十世祖

考諱溥
妣李氏

生子二

長正
次居廣

鄭和家譜考釋

十一世祖

諱考居正
妣李氏

生子二有

法才

十二世祖

考諱有才
妣

生子一良善

十三世祖

考諱良善
妣

生子一逢元

十四世祖

考諱逢元
妣

生子永生

十五世祖

考諱永生
妣

生子三

富貴

士按：右和後十五世世譜

右鄭和家譜，樹五師得之玉溪李儀廷將軍。將軍解甲兵，息影林泉，尙論古事；慕和之功，問其遺蹟；邑之參議曾有諭知和後者，探錄是篇以進云。

鄭和者，所謂三保大監，當明永樂宣德兩朝，奉命七徇西洋，

當時所謂西洋，自今瓜哇以西抵非洲東岸皆是。

降番人三十餘國，而開今日南洋數百萬華僑移殖之基者也。和之海上事功及西洋諸國情狀，有瀛涯勝覽，星槎勝覽，西洋番國志，西洋朝貢典錄，殊域周咨錄，皇明四夷考，明史外國

傳諸書，記之甚詳。至於和之邑里、家世、性格，及其所以堪使絕國之由，明史本傳既僅有「鄭和雲南人」一句，諸書亦竟不載。光緒甲午，樹五師聞昆陽和代村有和父墓，親訪得其碑銘。知和之先，原昆陽回族馬氏。和事永樂於燕邸，始賜姓鄭，爲寵宦而奉使節。遂爲跋而表之，和之邑里家世於焉始白。今又四十年矣，探挾和事，歐美日本人倡之於先，國人步之於後，蔚然學術大觀。以言舊籍之整理，則有兌溫達伯希和諸家對於瀛涯勝覽，星槎勝覽，西洋番國志，西洋朝貢典錄，之蒐剔校刊；以言直接史料之尋索，則有錫蘭布施佛寺碑，泉州城外回教先賢墓鄭和下番路經泉州行香碑，婁東劉家港天妃宮石刻通番事蹟記，長樂天妃靈應碑，西安嘉靖重修清淨寺碑之發現。以言鄭和出使之年月經歷，則有日人山本達郎之考証；國人如向達馮承均鄭鶴聲諸氏，研究均有創獲。然皆限於和之事功與諸國之情狀，於和之家世邑里諸端，仍無所述。非重於彼而忽於此也，文獻不足故也。此譜首錄和父哈只碑，次述和之出使，次隨使官軍員名，次述下洋船舶，次經歷諸國國名，次成祖兩勅，次詳述三使西洋，次宣宗一勅，次和使還進獻之物，次和之受封立嗣，而殿以和後十五世世譜。於和之身世言之既詳，於下洋一端，亦多可補往日諸書及各家研究之缺者。壁藏復見，耳目爲新。

，不僅滇水之光，亦西海之靈，爰爲逐條詳考，以俟大雅之隲評云。

哈只碑有樹五師跋，附錄於後，不再釋。

明史本傳云：『鄭和，雲南人，世所謂三保太監。不知和之本姓馬。和父哈只碑云：「和事今天子，賜姓鄭」，而不記賜姓之年月。譜云：「永樂二年正月初一，御書鄭字，賜以爲姓，乃名鄭和」，知賜姓適在靖難功成，推心內官之時也。人君賜姓，多從自本，懋功克用，是其常例；以朱賜鄭，或謂難解。然按鄭元慶二十一史約編，沐英本姓李，太祖初養爲子，旣而曰：『毋李爾李，毋朱爾朱』，賜之氏沐。則取他姓爲賜，太祖有例，不足爲燕棣怪也。和以邊氓奉事宮闈，又統孤軍，長征海表，三十餘年間，出入七次，歷三十餘邦，使卉服之民，震其威嚴，咸貢遠珍而來朝；至今海南諸邦，祠之若神明，意其必有過人之才，非常之姿者，而傳記無流焉。袁忠澈神相袁樹莊任古今譚鑑曰：「內侍鄭和，即三保也，雲南人。身長七尺，腰大十圍；四岳峻而鼻小，法反此者極貴；眉目分明，耳白過面，齒如編貝，行如虎步；聲音洪亮。後以靖難功，授內官監太監。永樂欲通東南夷，上問以三保領兵何如？忠澈對曰：「三保姿貌才知，內侍中無與比者，臣察其氣色，誠可任。」遂令統督以往，所至畏服焉。」西洋朝貢典錄曰：「聞之，和貌身長九尺，腰大十圍，洪音虎步。文皇帝初遣時，咨諸

相者袁生忠激。袁生曰：「鄭三保姿貌才智，內侍中無與儔比。」遂令統督以往，果所至畏服也。於以見和之聲音笑貌，有足使人見而生畏者。哈只碑云：「和公勤明敏，謙恭謹密。」譜云：「和才負經緯，文通孔孟。」於以見和之資質度數，有足以謀而遂成者。其立不磨之功，卓然上下百世之間，固非偶然也。

本傳云：「和事燕王於藩邸，起兵有功，累擢太監。」太監多矣，不知和居何職，譜云：「爲內官監太監」，哈只碑同按明史職官志云：「內官監，掌印太監一員，掌木石瓦土塔材東行西行油漆婚禮火藥十作及米鹽庫營造庫皇壇庫。凡國家營造宮室陵墓，並銅錫粧奩器用，暨冰窖諸事。」宮庭器用，和實司之。其總師干，奉使節，親信由來久矣！非一躍而幾也。

譜列隨勅奉差諸官員名云：「欽差正使太監七員，副使監丞十員」，按讀書敏求記西洋番國志條引番國志載宣德五年五月初四日勅云：「勅南京守備太監楊慶羅智唐觀保大使袁誠：今命太監鄭利往西洋公幹，大小海船該關領原交南京入庫各衙門一應正錢糧并賞賜并原下西洋官員買到物件及隨船合用物等，勅至即照數支放與太監鄭利王景弘李興朱良楊真右少監洪